



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

29. Dies Martii. Omnia sub sole vanitas: Proindè suprà solem veritas.
Paulinus epist. 4.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

29. DIES MARTII.

Omnia sub sole vanitas : Proindè supra
solem veritas. *Paulinus epist. 4.*

Suprà so. I.
lem quæ-
rendam
bonum.

Quidquid est sub sole, & infra
lunam : non solum est instar
lunæ inconstans, & fugax ;
sed fallax, & mendax : imò
non est nisi mendacium. Jugiter & decipimus, &
decipimur, adeòque sæpè sumus decepti, semper de-
ceptores. Quis nisi cæcus, plures faciet oculos,
quàm Amicum ? Et tamen quilibet ægerrimè fert
decipi oculos, perfert decipi animum. Quàm cau-
tus est homo, quàm providus, quàm sollicitus, ne er-
ret oculus in selectu lapidum, ne sibi vitrum compa-
ret pro adamante : ne lapilli adulterinus color, loco
veri, pupillæ imponat. Exigit ab eo, qui vendit, cau-
tionem. Imò quod verus sit lapis, cogunt eum ad-
jurare. O præclari, scilicet rerum æstimatores, qui
maximam pro minimis, minimam pro maximis cu-
ram gerunt. Quorum industria se occupat circa la-
pillos, & capillos, & fritillos, circa res frivolas, res
nihil, pro quibus nihil non agunt. De rebus verò
summis, ubi de summa rei agitur, cura non tantùm
est ultima, sed nulla : & qui flent decipi oculos ; ri-
dent decipi animos. Iniquè feras te esse iniquum, &
seduci ab iniquis : doleas seductam esse mentem,
non oculos. Nefas existimas decipere amicum. Quis
te tibi amicior, & fas existimans te decipere ?

II. Magno hominum damno, quin & multorum

exitio

exitio, veritas eiecta videtur ex communi hominum societate, & hinc supra stelliferos globos evolasse. Hinc nihil sub sole, nisi vanitas, Pauci sunt, quibus, ut mulieri Apocalypticæ, (a) est luna sub pedibus. Multi sunt, qui Patritii Romani gerunt lunulam in pedibus: imò quibus est luna in capite, verè lunatici, utpote stulti, qui, ut luna, mutantur. Et ideò quia infra lunam torum est vanitas; nihil est intra hominem, qui est infra lunam, nisi fatuitas. Honoramus nostra damna, affectamus pericula. Si quis in oculis nostris loco pecuniæ poneret filiquas, interpretaremur prorsus inexpiabilem injuriam; & falli in bonis virtutis, & gratiæ, autumamus gratiam: nec dolemus, sed cum patientia, imò lætitiã sustinemus nos habere fictas virtutes, fucatam fortitudinem, adulterinam Patientiam, spuriam Humilitatem, illegitimam Mansuetudinem, bracteatum Constantiam, personatam Prudentiam, larvatam Temperantiam, hoc est, inanes virtutis umbras, non expressas formas. Vitia in nobis sunt vera, virtutes falsæ. Hinc multi sunt fronte Catones, mente Nerones: vultu Gratiæ, animo furia, exterius Charites, interius Eumenides: coram hominibus toti formosuli, coram Cœlitibus toti fordiduli.

III. Itaque cum omne id, quod est infra spheram lunæ, sit infra dignitatem hominis, adeòque nihil nisi vanitas, fatuitas, iniquitas, mendacium, nihilum: ut tibi ab alto affulgeat veritas, mens efferenda est non solum supra solum, sed ultra solem, Cœlum, Veritatis natale est solum. Est in Deo, & ex Deo: Deus enim ut est Charitas: sic & Veritas. Una veri-

(a) Apoc. 12.

tas, lex est omnium virtutum, lux omnium morum, fax omnium scientiarum, Dux omnium agendorum, norma omnium affectuum. Quantum ergo æstimas tui fœlicitatem; tantum æstima Veritatem. Imò si amas tranquillitatem; si expetis pacem cordis: si ambis illustrationes mentis. Veritatem ama, sic tibi perennabit Virtus, stabit pax, perstabit fœlicitas, & inter omnia infœlicia tibi ipsi semper constabis. Plus oblectat intellectum minima Veritatis obscure allucens scintilla, quàm oculos sol totus cum toto suæ lucis, splendoris, ac evibrantium radiorum apparatu. Illa duce, & illius luce discernes falsa à veris, mala à bonis, humana à Divinis. Undè veritate nihil est amabilius, sic nec quidquam speciosius. Helena fuit omnium oculorum, ob formæ elegantiam, illecebra: illa tamen comparata cum Veritate, Helena videbitur deformior Hecuba. Accinit mihi Divus Augustinus: (a) *Incomparabiliter pulchrior est Veritas Christianorum, quàm Helena Græcorum: pro ista enim fortius nostri Martyres adversus hanc Sodomam, quàm pro illa mille Heroes adversus Trojam dimicarunt.* Itaque ut sapias, sape, & quære quæ sursum sunt, ibi est Veritas: spernas quæ deorsum sunt, ibi est Vanitas, ut fias cœlestis, eleva te suprà terram. Enimverò:

Ere terrena requies removetur amœna.

(a) *Epist. 9.*

30. DIËS